



Quai èn ils tiradors da l'Uniu da tir Rofna. (da san.) Christian Casanova, Emil Blumenthal, Geli Casanova e Toni Caduff. FOTOS E. BARDILL



Gieri Maissen (san.) il terz en la cumbinaziun cun il victur Hans Stucki. Sin la foto manca il vicecampiun grischun Jann Adank.



Ina ulteriura victoria per Ignaz Caduff en sia carriera da tir.



Els trais han dominà il tir dals giasts d'onur. (da san.) Jakob Bardill, Bernhard Lampert e Fridolin Blumenthal.



Il president dals veterans da tir Othmar Casutt, flancà da cusseglier nazional Martin Candinas (san.) e Duri Campell, il president dal cussegl grond.



La presidenta communal da Tusaun, Claudia Kleis-Kümin cun l'anteriu landamma da Tavau Hans Peter Michel.

Noss tiradors han persvas

Tusaun: Tir annual dals veterans grischuns

DA GION NUTEGN STGIER/ANR

■ Il meglier tirador veteran da noss chantun è Hans Stucki da Valendau. Terz en la cumbinaziun è vegni Gieri Maissen da Rabius. Persvas han dentant er anc auters tiradors sursilvans ed engiadinais. Il 1921 è vegnida fundada l'Associaziun grischuna dals tiradors veterans e dapi 61 onns segna quella per l'organisaziun dal tir annual per tiradoras e tiradors che han 60 onns u dapi. Actualmain ha l'uniu 830 members e president è dapi il favrer Othmar Casutt da Mels. El è daventà successur da Jakob Bardill da Tenna, ch'è stà 12 onns in president activ, in um cun ils buns contacts tar ils veterans da tir ed in persuna che ha vivi per il sport da tir. En il center da l'occurrnza annuala stat bain il tir, dentant la tgira da l'amicizia tranter tiradors e veterans è bunamain anc pli impurtanta. L'atmosfera a Tusaun era davairas fitg empernaivla e veterans, da 60 fin 89 onns, han pli che be giudi la buna cumpagnia. Sa participads a l'occurrnza èn 300 tiradors ed il pli vegl è stà Hans Schocher da Cuira cun 89 onns.

Gieri Maissen: adina puspè sin il podest

Il tir annual dals veterans cumpiglia divers stegts e quai sin la distanza da 300 m sco er sin las distanzas da 25 m e 50 m. Per mintga stetg vegn eruì il campiun grischun, dentant il vair «campiun chantunale» e quel veteran che tira tuts sis stegts e fa ils blers puncts. Tuts sis resultats singuls quintan per la rangaziun finala e campiun grischun dals veterans da tir 2015 è daventà Hans Stucki da Valendau. El ha gudagnà per l'emprima giada quella concurrenza cun esser cun l'anna-

da 1955, da nov veteran. La basa per ses bun resultat da 500 puncts ha il victur fatg cun sajettar fitg gulivà e quai en tuts ils stegts. Ina giada dapli cuntanschi in plaz da podest (terz plaz) en la cumbinaziun ha Gieri Maissen da Rabius. Tar la concurrenza chantunala dals veterans è el dapi sis onns adina tranter ils participants cun ils auts resultats. Avant trais onns è il tirador da 66 onns stà campiun grischun dals veterans ed il 2014 è il Sursilvan stà vicecampiun grischun. Sajettà ferm ha el sonda a Tusaun cunzunt en il stetg dals veterans, sin la distanza da 300 m, cun far 97 puncts e manchentà il resultat maximal be per trais puncts.

Victoria per Ignaz Caduff

In ulteriur tirador dalla Surselva che segna adina per buns resultats sin champ regional, chantunale e nazional è Ignaz Caduff da Ruschein. Be da curt ha il tirador da 70 onns gudagnà il «Tiro delle Cave», ina occurrenza en la Mesolcina, cun passa 200 participants ed uschia daventà il «Re del tiro». Sia victoria tar quel tir regional è da taxar sco fitg auta, ha Ignaz Caduff tratg in punct dapli che Urs Brazzerol da Farrera, in dals meglers tiradors dal Grischun e terz tar la concurrenza dals chantuns tar la Festa da tir federala 2015 en il Vallais. Er tar il tir dals veterans da la davosa fin d'emna a Tusaun gudagna Ignaz Caduff ina concurrenza, il stetg annual. Cun 79 puncts ha el mancà da far il maximum be per in punct. Avant in onn aveva il tirador da Ruschein manchentà cun il quart post in plaz sin il podest e dapreschent persvas cun gudagnar quel tir en la categoria arma da sport. Per ina ulteriura victoria d'in tirador rumantsch ha procurà Ueli Krebs. Il tirador da Sent gudagna il tir annual en

la categoria arma da militar e quai cun 78 puncts, tants puncts sco quai che Leopold Caviezel da Vrin e Gabriel Caminada da Domat han er fatg. Gion Peder Capeder da Castrisch ha sajettà precis en il stetg dals veterans cun l'arma da militar e mancà la victoria be per in punct.

Resultats

Cumbinaziun (total sis stegts 300 m, 50 m, 25 m)

1. Hans Stucki	Valendau	500
2. Jann Adank	Lunden	496
3. Gieri Maissen	Rabius	482

Stetg da veterans 300 m cat. arma da sport

1. Jakob Waser	Andeer	97
2. Gieri Maissen	Rabius	97
3. Toni Caduff	Vattiz	97
4. Peter Färber	Favugn	97

Stetg da veterans 300 m cat. arma da militar

1. Otto Morell	Samedan	96
2. Johann Peter Capeder,	Castrisch	95
3. Reto Niggli	Fideris	94
4. Hans Andrea Sutter	Aschera	94
5. Gabriel Caminada	Domat	94
6. Hans Stucki	Valendau	94

Stetg da l'onn 300 m cat. arma da sport

1. Ignaz Caduff	Ruschein	79
2. Johann Ulrich Mani	Tumein	79
3. Balz Calörtscher	Carrera	78
4. Roman Egger	Schluein	78
5. Christian Willi	Praden	78
6. Christian Flury	Landquart	78
7. Markus Margreth	Tinizong	78

Stetg da l'onn 300 m cat. arma da militar

1. Ueli Krebs	Sent	78
2. Leopold Caviezel	Vrin	78
3. Gabriel Caminada	Domat	78
4. Mathias Coray	Mustèr	77
5. Plazi Rensch	Cazas	77
6. Giusep Cadruvi	Ruschein	77

Stetg da veterans 50 m

1. Walter Zäch	Farschno	94
2. Othmar Casutt	Mels	93
3. Paul Prevost	Puntraschigna	93

Stetg da l'onn 50 m

1. Peter Bleiker	Brusio	80
2. Jakob Bardill	Tenna	77
3. Jann Adank	Lunden	76

Stetg da veterans 25 m

1. Florian Stiffler	Passugg	98
2. Reto Marugg	Zebras	98
3. Leo Dumoulin	,Cuira	98

Stetg da l'onn 25 m

1. Peter Bleiker	Brusio	80
2. Paul Prevost	Puntraschigna	79
3. Reto Marugg	Zebras	79



Quatter tiradors da Puntraschigna. (da san.) Peter Zanetti, Albert Bösch, Paul Prevost ed Oscar Kochendörfer. FOTO E. BARDILL